


I NJIA IWA



LI FOSO LA NJIA

I woteli te yondo o lende eki ema i sendi wunya, ji jowa ima njia i weni lakeya. I livowa miso masu koi koi noma njende, ndi jembu te naema i toni enjia jendea, jai engowe lasa enjia ya joke.

Wunya te owa na imba jende o ene se, o lende o longe la bwindea, o yondo ema e sa wene lisuku, ema i sa tane laeongowe yetena juki te oteni. O wi eki ema wendee?

E KA:ATI YASU E JONGEA

Lowe, o ndolo na lilo leni la weya, a jombweli é ka:ati yasu é jongea. E ka:ati ya Lowa ema é jumwele koi koi é njia yende o mwanu omba Lowe. Vefoseli ema wembwawi o lini lifafe we wowawi ndi o ka:ati ya Lowa. “Eya yango e weli ndi etulu ndene o mweneni o njia yami. (Mesoko 119:105).

E NJIA ETIYAMI

O weli wato sai-sai o ene njia. “Liyofa lende o yulu ya munya létiyami

sai-sai ndenga enjia yende oteni e wowise enyo, ndenga o weli wato sai-sai wende oteni." (Mateo 7:13).

Wato sai-sai miso mawu mumbami. Wa sa wi ndenga wa sa fole, naema wende ndi o njia ema é wafanga. "Eki ema o lutéli ema a veli ndi njia ya bwamu etane loliyele ndi o kpweli." (Meyana 14:12). "Me:ma meawu miutawí o jititi na lowa la wowe (Mokase) la ene se." (2 Korin 4:4).

MIU:NA

Wato wa weli o ene njia meoyowe mema wasimbiea "**Motote a bwea meyowe** wenga a solene na melakisane meayamba Lowe." (Roma 3:23). I sa tane juteya Lowe to mo:we moko. "Moto aene ndi lenea la ewoka ndi Lowe aene mema." (1 Samuel 16:7). **Meuna me kakawí o mbusa jawu.** I so na owa esa tane ja:fote to mo:we moko na enginya wasu. Meuna me jo sembeya na efonda yende, ndenga "Meo:we me weni mosaweli – Ekpweli." (Roma 6:23).

MONDO MO LOWA

Mondo mo Lowa ema jene welinge mu:mwele **wekaisele** weyamba Lowe. "Motote a weni liwa ngeli foko, ombusa nanu, **Lowe a mokaise.**" (Wonyahepher 9:27). "Si nene wekaneli we sanga wendene ndenga emo ema a liya oteni... Si nene ewo wa nveli, wandene na wasali wa temi o woso wo wanga wakaneli. Ka:ati ima lifowawa, si efefe ka:ati elifowawa, a ka:ati ya wanga wa weli longe. Ewo wa ma nwa wa ma kaesewe ka fonda na weya wa mabweye noma we ma tilawe o ingi ka:ati.... Tonje ema asi tilawe lina leni o ka:ati ya wanga wa weli longe wama ambwawa o munya mondene." (Wewuluweli 20:11,12,15).

MUNYA

Noma Lowe a sangi na ejoke, wekokiseli weangamene liwe onola meowe. Eya ya Lowa e jowea naema oweli yulu ya munya, eki ema eweli ndi ya metakisene ifonda jase onola wanga ema wasaweyana Lowe. E ka:ati Ya Lowa ema, "Lisuku lawu li weli ndi weyaseli weayu we nyo..., ndenga wa luteya ndi weya we ene se mene." (Filipii 3:19).

Ndi Lowe awelendi Lowa la ndolo, "Asasa ema tomoto afangawe, ndi asa ema wase waengoe o meowe meawu." (2 Petro 3:9). O bwamu weni wondene na ndolo yeni, **a bwe njia ya Jongise onola wanga ema wasi. Wasa enjia ya longee?**

ENJIA YA LONGE — E MOSUNGELI

Noma isa tane la solowe iso witi o meowe measu, to o kokise ya joke onola meowe measu, **Lowe a Jombweli e Msungeli.** "Lowe alingane ese sai-sai, ema a mbweli efoa yeni ya mwana, naema to nje ema a mo loke asa nwa ndi aluwa longe la bwindea." (Yoane 3:16). Lowe, Tate wa mwanyu, a moma efoa yeni ya mwana, sango Yesu Kristo, a muwea o mwanyu se aja anu se, a ma we anu se na moto, ndi a si bwe meowe. A mende eki yase a bweya bwamu; longise wanga ema wamokise meseo, lituna ewo wamokise e nyambe ya molongo, lifaya welinge we wowe, lilakise wanga ema wa ma wene ili onola meowe meawu na lokole wato litengene Lowe.

Ndi ewolo yenii ya nginya ema emabwe a maje na moto ema we ndi ema a nwa na laveya onola iso wase; o limbwa longe leni la wosangi, lisofe meowe na maija meni ma tiki o lisawa liyeme lasu onola meowe measu. A mambwa myiti ema wato wa wowe wa mo wowe, wa mo tiye nate e mbusa yenii a monda wewena na maija, wa mika e co:oto ya njenje o mofu mweni, se o lisuku wa mbomeya mah meni na matanga o mbassa, ema a make:me na mosiyo na metakisene. "Kristo mweti ama wane meowe measu o nyo yenii o mbassa." (1 Petro 2:24). A ma nwa onola owa na imba.

WEFUMUWELI WENI

O mbusa menya meyao ama we o songo, Yesu Kristo ama fumuwa o kpeli. A mende na lowisene waokoweli weni, ombusa meni-meni me menya amabwa oweliyeli weamba Lowe eki ema a liyai o liya la mome lamba Lowe. (Roma 8:34). – Mosungeli "aweli longe, ema aweni nginya o mwanyu na ose." (Mateo 28:18). "Wenga a tane, nange na ifonda jase, longise wanga ema wa ja omba Lowe lakaneya na mo, ewanja aweli longe o bwindea li sosomea Lowe on yola awu." (Wonyaheber 7:25).

WOLIA WOMBA LOWE

Wolia womba Lowe o mwanyu wondi Lowe aweli na wosangi na wetanyiseli wase. Sango Yesu ama; "I mba nende leseya eki. Nendi te se na seya wongo woliya, na timba le wowa na imba, na:ema inyo ewe eki ema na weli." (Yoane 14:2,3).

E weli ndi eki ya wetamiseli, eki ema "A titowa misoli mase o miso manwu. O sa we fe kpeli, to ndutu to luwa to mosiyo. Weluni we weya we ma:aka". "O sa we fe wu... ewanja Sango Lowe ndi awali mwaye." (Wewuluweli 21:4; 22:5).

E weli ndi eki ya wosangi, "Yoma ema ekou esa kpeya otena enge mboa ndene, to moto ema a gbeya weya we isoni to ako:o weya. Wanga mene ema mina mawu ma tilawi o ka:ati ya longe ya nguma molengu wo ndi wa kpeya o enge mboa ndene." (Wewuluweli 21:27).

O weli ndi njia foko o lende o wolii womba Lowe. "I mba ndi na weli enjia, e joke, na longe; to moto a sende omba Tate ema a sa:kele na imba." (Yoane 14:6). "**Longise li luwawa: a ndi lakeya na mo mwiti**; o se yase o senje o veve ema Lowe a mbweli ema a tane li jongise." (Wewolo 4:12).

NE ITANE LI WOTEYA YONDO O LENDE O WOLIA WOMBA LOWE

- 1. "Weme meowe meango, o loke mwendi mo bwamu." (Mako 1:15).**
- 2. Ja omba Yesu Kristo, o makane, noma o weli na muna mwango mo meowe, o mo sosomea o lo lakise. Ama, "Na sa wanga to moto ema aja o mbami." (Yoane 6:37). "Ja na imba, inyo wase ema woto o liwane meuna ema me liti, imba no mbwa lasiyole." (Mateo 11:28).**
- 3. Loke ndi Kristo Mwiti o longise lango la meowe. "Maija mamba Yesu, Ewana Lowe, ma jo sangise meowe measu." (1 Yoane 1:7).**
- 4. Aombwa longe livenya... longe la bwindea. Kristo ama "Tonje ema awe eya yami se a loke Ongu ema anomi aweni longe la bwindea. Asa kaisewe, nde ama kaneya e kpeli li kpeya o longe." (Yoane 5:24). "Tonje**

ema alati na Kristo, aweli ndi ewekeli fenyā, molune mo ma:ka, lifenya limaja.” (2 Korin 5:17).

5. Oweni mwema mo seve “Nange imi kawa bwamu na Lowe, lakaneya na liloke lasu, iweni Meeam ne seve na Lowe lakaneya na Sangwasu Yesu Kristo.” (Roma 5:1). “Enongi eweli ndi nau: Lowe a jombweli longē la bwindea, ndenga li ni longē luwea ndi na mwaneni. Tonje ema asa wene Emwana wamba Lowe asa weni longē. Imba ndi ne tileya nau ema **wangamene liwiya ema oweni longē la bwindea** – inyo ema eloke Emwana wamba Lowe.” (1 Yoane 5:11-13).

NE I LIYA NA LONGE LIFENYA

1. Langa eka:ati yamba Lowe Wunya te. Tona eweli mweneni o njia wasu, eweli ndi moleli wasu we elinge, “Iwe na wana wa yawi venya, ewene nyongi ifonda jase onola Manyongo ma elinge, anga ndi ema nyo nate ewoteya longē.” (1 Petro 2:2). Oweya Lowe a ongea na lo:okole na Elinge Ya Wontani, na o li langa.

2. Kombene Lowe o makane wonya te, kane o lina lamba Yesu. “Osa:a takise onola eya toyoko, ndi o makane mango mase i jowa Lowe mame wasa, wa mijowa ngelengele na mwema mo joke. Lisewe la mwema mwamba Lowe, ema lakai we sonjitaneli we moto, we bwea mwema na maluteya mango wewe molatako na Yesu Kristo.” (Filipii 4:6,7).

3. Oweya wafefe wato litengene Kristo. “Timba o litumba lango owoweya mame sango a obweli ndenga ne aweli bwamu na owa.” (Mako 5:19).

4. Ofonda makekisane, wele sango. “Atane aongwana wanga ema wa kekisewe, ewanja mwiti ama kekisawe na litakisewe.” (Wonyahepher 2:18).

5. Otonani te Lowe ve, Pusele kasikasi omba Lowe. “Ndi i pusele te meowe measu omba Lowe, a ondise Likakene leni se a bwea mame e fomene: ajo lakise meowe measu na li jo sangise wowe bwasu.” (1 Yoane 1:9).

6. Keka liwe na wafefe wa loke Sango Yesu Kristo. “Embenda yami eweli ndi nau: Yalingane moko na onei, na imba né lingani.” (Yoane 15:12).

7. Weyana Lowe ngelengele. “Tonje ema anolingani awayana weokoweli weyami.” (Yoane 14:23).

8. Osoka wongo, ewanja Kristo aweli na owa. “Na sa tane lo weme; na sa tane lo sonjele.” (Wonyahepher 13:5).

9. Ambwe witi na Sango Yesu Kristo. Aweme witi aendene longē lango ka fonda weteiseli weni. O ene ngana o luwa munyengi mo joke.

Si vous avez trouvé le salut en Christ ou si vous avez été béni par notre littérature, nous vous prions de nous le faire savoir. Nous aimerions remercier Dieu avec vous et prier pour vous.

Pour obtenir gratuitement de la littérature évangélique, des livres et des traités en plus de 540 langues, écrivez à:

EMAIL: info@angp.co.za

ALL NATIONS GOSPEL PUBLISHERS
P.O. BOX 2191, PRETORIA, 0001, R.S.A.

(Une Mission de Littérature évangélique financée de dons)

(Reg. No. 1961/001798/08)